



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

Capvt XII.

urn:nbn:de:hbz:466:1-15591

tanquam sotus ipse ad faciendam fidem non sufficeret, etiam testes adhibuit. Venerunt, inquit, mecum & sex fratres isti. Plura vir ille infraeani animi in eandem sententiam congerit, ut probet titulum presulatus non esse opponendum quo minus Ecclesie filii, qui se gravatos afferunt, ex quo iudicio respondeatur.

CAPVT XII.

Synopsis.

I. Romane sedis auctoritatem tueri tenetur Rex Christianissimus jure Protectionis, quod Francorum Regibus competit. Quid sit ius Protectionis, ordinarium, extraordinarium, & reale patris constitutum.

II. Protectio Romana sedis est ius reale que situm Corona Francice, A Deo designata, ex Pelagio.

III. Initium huius Protectionis à Carolo Duce Francorum, & Gregorio, ob motus Longobardorum. Novis conditionibus aucta à Pippino Rege, & Stephano. Exarchatus Ravenne donatus Ecclesiae Romane à Pippino, huicque Patriciatus Romanus collatus. Convenio de Protectione non personalis, sed perpetua cum Rege & Regno.

IV. Patriciatus datus filii Pippini. Qui dicerentur Patrici. Primum nuda dignitas, Patriciatus; deinde ei adjunctum Imperium. Tuitio Ecclesiarum & in opum Patriciis competit, ex Paulo Diacono. Patricianus collatus Regibus Francorum, Imperium & Tuitionem completebat.

V. Carolo Magno in Augustum electo, Patrici nomen cessavit. Sed ius Protectionis Regibus Francorum que situm, extinctum non est. Ius illud in solidum in filios Reges testamento suo partitus est Carolus Magnus.

VI. Et filii suis ex equo commisit Ludovicus Pius, Carolus Calvus banc ad feueria cum regno Francorum transmissam agnovit; ita tamen ut à Romana sede honor debitus sibi reddatur. Is honor explicatus de Processione Patriciorum.

VII. Auxilia lata Ioanni VIII. Paschali II. Gelafo II. Innocentio II. Alexandro III. decent propagatum & secunda in tertiam Regum stirpem Protectionis auxilium.

VIII. Gregorius IX. Tuitionem ecclesiastica libertatis regno Francorum assignat. Ut Paulus I. Hanc Tuitionem implorans Innocentius IV. & Urbanus IV.

IX. Ceteri Reges novis officiis ius Patrocinij confirmarunt. Et pre ceteris Invictissimus Ludovicus XIII. consilio & opera Eminentiss. Card. Ducis Richelij.

I. *A*BUNDENS probatum est, apud Gallos sedis apostolicæ principatum omnibus officiis per omnes ætates exultum fuisse; seu in ea communionis suæ Caput jure divino constitutum, seu supremam in Ecclesias auctoritatem venerantur; ut meritò à me dictum fuerit, Primum Libertatis Ecclesiarum Gallicanæ fundatum in Primatu Romani Pontificis esse possum. Addam verò hoc capite, pluribus nominibus ad ejus Ecclesiae dignitatem tuendam & ornandam Reges Christianissimos obstringi quam ceteros totius Europæ

Reges & Principes, scilicet eximio illo Iure Patrocinij, seu Protectionis Regiae, erga Romanam sedem, quod Francorum regno quæsitum est. Illud autem non sic accipi velim, quasi rhetorum more ambitionis verbis à me dictum, sed ut ad normam legum & fori consultò propositum. Principes quidem Ecclesias in regnis suis constitutas ex officio tueri tenentur, quod ius Protectionis ordinarium est, & à jurisdictione pender. Sed aliud est ius quoddam Protectionis extraordinarium, quod Ecclesias sibi non subditis adversus potentiorum vim publicam, aut privatum, impetrar solent illi qui alias ex munere suo ad id non obligantur.

Hæc Tuitio vel Protectio ex eo profecta est, quod Summi Pontifices, aut ipsi etiam Imperatores, Proceribus viris aliquando demandant ut ab injuria Ecclesias sibi creditas extra ordinem defendentur; Vel etiam quod Ecclesiarum Episcopi, aut Abbates, cum assensu Capitularum & Monasteriorum, se in defensionem Procerum certis legibus tradiderint, mercedis annua & pensionis perpetuae ut plurimum stipulatione adhibita. Harum conventionum octingentis abhinc annis initiarum exempla creberima apud scriptores & vetera tabularia visuntur, & in diversis media ætatis canonibus, bellorum privatorum infando usu in id Epscopos & monasteriorum præfectos & ipsissime compellente, ut sibi Patronos, Defensores, Protectores, & Advocatos quos vocabant, adscicerent, qui Protectionem & Defensionem singularem Ecclesias impenderent, præter eam quæ à Regibus ex ordine disciplinæ publicæ expectabatur. Iure isto Protectionis, Defensionis, vel Advocatis, hereditate ad se transmisso, potiuntur etiamnum quamplurimi Principes in Germania, quod etiam quatuor abhinc seculis in Gallia confiniis obtinebat, multis Nobilium familiis se Advocatorum & Vicedominorum nomine jaderunt, donec jura illa Protectionum ecclesiasticarum Rex Christianissimus ad se solum in regno revocavit. De hoc Protectionis iure reali & hereditario amplissimos commentarios viri erudití ex professo ediderunt.

II. Quod ad meum institutum attinet, necesse est ut probem ejus generis esse Protectionem illam Ecclesiarum Romanarum; cui impertienda quemadmodum hereditario jure Rex Christianissimus adstringitur, ita vice versa sedes Romana, in nulla parte suæ auctoritatis dignitate imminuta, Reges Francorum ut Protectores suis officiis ornare tenentur. Cum autem Protectionem istam aut mandatis Principum aut conventionibus quæri monuerim, non est quod aliquis

*Adversari, Vida
mei.*

*Commentarius de
Advocatis.*

expectet ut Regibus Francorum delegatam ab aliquo Principe Defensionem probem; præfertim cum jus illud eis ex quo vindicaturus sim, si conventionibus inter Pontifices & Reges initis constare ostendam. Enimvero si altius origo rerum repetenda sit, non frusta afferetur Tuitiōnem Romanę Ecclesię, Dei Optimi Maximi prouidentissimo consilio, Francorum Regibus fuisse concreditam. quod vicem mandati & delegationis præstabit, si quis exigat ut protec̄tio nostra illo etiam jure fulciatur. Hujus rei illustrior probatio aliunde peti non potest quam à Pelagio II. qui anno D L X X X I I. cùm à Longobardis Arrianis Ecclesia Romana & bello & heresi vexatur, auxiliaque Imperatorum Orientis lenta efflent & invalida, nullam Tiberio Principi fieri injuriam censuit, si à Regibus Francorum in his angustiis constitutus subfidium peteret, & Aunacharij Episcopi Antissiodorensis gratiam, qua flagrabat apud Chilpericum Regem, ad imperandum sollicitaret: *Nec enim, inquit Pelagius, sine magna prouidentie divinæ admiratione dispositum, quod vestri Reges Romano Imperio in orthodoxe fidei confessione sunt similes; nisi ut huic urbi, ex qua fuerat oriunda, vel universae Italie finitimos adjutorēsque præstaret. Carete igitur, carissime frater, ne dum Regibus nostris juvandi nos virtus data sit devinitus, caritatis vestre circa nos levitas arguatur, qui illis & in fide & in consiliis vestro sacerdotio sic devotis suadere talia aut negligitis aut differtis.* Idem consilium inierat Vigilius Papa anno D X L I X. cùm Gothis Romanam tenentibus, Aureliano Episcopo Arelatensi dat in mandatis ut Childebertum Regem, qui Christianitatis studio venerationem integrum sedi apostolice exhibebat, precibus suis exoraret ut sollicitudine sua Gothorum Regem ab injurya Romanę Ecclesię inferenda revocaret.

III. Initium vero pactorum de Protectione cum Ecclesia Romana conventorum in ea tempora conferendum est quibus eam Regum Longobardorum impetus ad auxilia extraordinaria imploranda penè profligatam coegerit. Annus D C C X X X I X. huic consilio originem dedit. Etenim Luitprandus & Hilprandus Reges Longobardorum, cùm in Ravennę Exarchatus provinciis adversus Imperij Constantinopolitanis copias bellum gererent, Ecclesia Romana patrimonia perinde ac ceteros provincialium agros depopulati sunt; deinde translato in ducatum & episcopatum Romanum exercitu, omnia caedibus & vastatione terruerunt, nulla habitatione quod pagus ille Romanus parochiam B. Petri con-

stitueret, ac proinde peculiaris ejusdam immunitatis privilegium illi deberetur. Quare Gregorius III. Pontifex se suāmque Ecclesiam Tuitioni Caroli Francorum Ducis commisit, literis illis quas lacrymis perfusas ad Carolum Subregulum magno cum animi sensu dedit: *Ad te post Deum confugium facimus, inquit. Conjurō te per Deum vivum & verum, & per ipsas sacratissimas Claves Confessionis beati Petri, quas vobis ad regnum direximus, ut non preponas amicitiam Regum Longobardorum amori Principis Apostolorum: sed ve- locius sub nimia festinatione sentiamus, post Deum, tuam consolationem ad nostram defensionem.* Protec̄tio ista novis quibusdam legibus firmata fuit à Pippino Rege Francorum & Stephano II. Pontifice. Hic enim dum Aistulphi Longobardorum Regis armis undique premeretur, (qui quidem post Exarchatus & provinciā Romanā civitates, depulsis inde Constantinopolitanorum præsidii, valido exercitu occupatas, patrimonia Ecclesia Romanā usurpaverat) ad Gallias magno Procerum Romanorum comitatu stipatus accessit; ubi fœdus cum Pippino Rege pepigit, iis conditionibus, ut Rex ejusque filij Patricij Romanorum dicentur, & Ravenna Exarchatus à Longobardis armorum vi repetitus, donatione Pippini in Romanam Ecclesiam transferretur. Hac conventa liquidiū ostendi non possunt quam ipsiusmet Stephani verbis: qui cùm denuo ab Aistulfo fœderibus infraeis Romæ obsidionem pateretur, pacta illa Pippino refricat: *Dum vestris mellifluis ob- tutibus presentati sumus, omnes causas Principis Apostolorum in vestris manibus comen- davimus. Quoniam quidem inspirati à Deo au- rem petitionibus nostris accommodare dignati es̄tis, & vos beato Petro polliciti estis ejus ju- stitiam exigere, & defensionem sancte Dei Ec- clesiæ procurare.* Ne quis verò existimet Protectionem istam, de qua convenerat Stephanus, personalem esse, & Pippino tan- tū concessam, sequentis epistola ab eodem Stephano ad Pippinum datae verba ve- lim diligenter expendat; unde manifestum fiet contraētam fuisse non solum cum Rege, sed etiam cum ejus filiis, imo etiam cum ipso regno Francorum. *Quoniam, inquit, nulli alio nisi tantummodo tua amantissima Excel- lentie, vel dulcissimis filiis, & cuncte genti Francorum, per Dei preceptionem & B. Petri, sanctam Dei Ecclesiam & nostrum Romanorum Reipublice populum commisimus protegendum.*

IV. Patricij vero dignitatem, ut antē monebam, Stephanum & Romanos Proceres Pippino Regi & ejus filiis contulisse fidem facit epistola Stephani tertia, cuius inscriptio hæc est: *Dominis Excellentissimis*

Epistola Greg. 5.

Steph. ep. 3. ad Pippinum.

Steph. ep. 4. ad Pippinum.

De Concordia Sacerdotij

filii Pippino Regi & nostro spiritali compatri,
& Carolum anno item Regibus, & utrisque Patri-
ciis Romanorum, Stephanus Papa. Retinuit
hunc Patricij titulum Carolus Magnus: cu-
jus frequentissima habetur mentio in epi-
stolis Stephani Terrij, Hadriani Primi, &
in Edictis hujus Principis. Imò etiam Leo
III. Pontifex, quò beneficij recens à Ca-
rolo accepti monumentum aliquod pone-
ret, in camera Palatij Lateranensis Petrum
Apostolum depingi curavit, Carolo Patri-
ciatus insignia & Leoni Pallium Pontifi-
cium tradentem. Patricij nomen duo quæ-
dam complectebatur, & jurisdictionem,
qua Reges in Urbe ex consensu Pontificis
& populi Romani potiebantur; & Protec-
tionem, seu Defensionem, quam Roma-
næ Ecclesiæ polliciti erant. Patriciorum
autem tanta erat dignitas, ut à Constanti-
ni tempore, qui ejus auctor fuit, eminen-
tissimos magistratus loco præcellerent; ita
ut Theodoricus & Athalaricus Italæ Re-
ges non alienam à regni majestate Patri-
ciatus dignitatem, quæ illis ab Anastasio
collata fuerat, esse censerint. Iurisdictione
cum Patriciatus conjuncta non erat; et si
frequentissime qui validissimis provinciis
aut exercitibus erant præfecti, dignitate
ista cohonestarentur. Inde præfectum est
ut Italæ Exarchi, qui ab Imperatoribus
Constantinopolitanis Ravennam cum sum-
mo imperio ad Italæ administrationem
mittebantur, hujus etiam honoris effent
participes. Vnde Patricij Italæ à scriptori-
bus aliquando dicuntur. Hoc exemplo Re-
ges Francorum in Gallia etiam Patricios
iūos instituerunt: qui ob provincias sibi
conceditas, Patricij & Duces audiebant;
ut Dynamius Patricius Galliarum apud
Gregorium Magnum; & Mummolus Dux
& Patricius, aliisque, apud Gregorium Tu-
rortensem. Sed propositi mei non est ea
nunc exequi quæ Patriciorum auctoritate
ultimis illis seculis continebantur. Id unum
satis erit observasse, Patriciatus collato,
Ecclesiæ & inopes tuendi adversus vim po-
tentiorum præbitam fuisse facultatem.
Hoc patet ex ea formula qua Princeps Pa-
tricium renuntiabat, quæ relata est à Pau-
lo Diacono. Sistebat se coram Principe
hujus dignitatis candidatus: qui cliv prius
Imperatoris pedes, deinde genu, atque os
ipsum, & ceteros magistratus deosculatus
esset, his verbis à Principe excipiebatur:
*Nobis nimium laboriosum esse videtur, conces-
sum nobis à Deo ministerium, solum procurare.
Quocirca nobis adjutorem facimus; & hunc ho-
norcm tibi concedimus, ut Ecclesiæ Dei & pa-
peribus legem facias, & inde apud altissimum
judicem rationem reddas. Tunc induat eum*

*Imperator mantum, & ponat ei in dextro indice
annulum, & det ei bombacinum propria manu
scriptum: Esto Patricius misericors & justus.
Tunc ponat ei in caput aureum circulum, & di-
mittat. Patriciatus itaque Romanorum,
præter imperium in Vrbem & Ducatum
Romanum, Defensionem illam comple-
ctebatur, qua pacis cum Romanis Ponti-
ficibus initis erat constituta. Quare Caro-
lus Magnus sibi nunc Patricij Romanorum
titulum, nunc *Devoti sancte Ecclesiæ Defen-
soris atque Adjutoris*, in Edictis suis adscri-
bebat.*

V. Hanc Patriciatus dignitatem ab an-
no D C C X X X I X. Reges nostri magno
studio conservarunt usque ad annum octo-
gentesimum. Tunc enim, desinente octa-
vo seculo, Carolus Magnus acclamatio-
ne populi Romani & consensu Leonis cùm
Imperium receperisset, *omisso Patricij nomine,*
Imperator & Augustus est appellatus; ut testa-
tur Eginhardus. Etsi verò novus Imperij
splendor Patriciatus lucem extinxisset; at-
tamen Protectione Ecclesiæ Romanæ, Cor-
ronæ Francorum antè quæsita, per con-
fusionem Patriciatus cum Imperio sublata
non est. Imperio accessit Tuitionis impen-
denda officium; sed de pristino protec-
tione jure, quod regno Francorum competeb-
at, nihil immunitum fuit. Potestas qui-
dem illa, qua jure Patriciatus in urbe Ro-
mana potiebantur Reges Francorum,
(quæ ab illis in solidum unà cum Pontifi-
cibus exercebatur, ut dicam alibi) confusa
fuit, & Imperio consolidata. Sed De-
fensio Ecclesiæ Romanæ inter cetera Do-
mus regiæ jura à Principibus recensita fuit,
ut in Caroli Magni filios transmiseretur,
nec præcipuo jure ab eo possideretur qui
Imperium retineret, sed ad omnes heredes
pertineret; ea lege, ut illis non liceret à
communione hujus Protectionis, familiae
erciscundæ judicio discedere. Ita enim con-
stituit Carolus Magnus tabulis testamenti
sui; quibus inter filios regna Franciæ, Ital-
iæ, & Aquitaniae distribuit; sed in solidum Ecclesiæ Romanæ Defensionem reliquit,
eadem conditione qua à patre suo Pippino
& avo Carolo fuerat suscepta. *Super omnia* *Tellamemus* *Cor*
autem jubemus, inquit, ut ipsi tres fratres *toli Magi.*
curam & defensionem Ecclesiæ S. Petri
simul suscipiant; sicut quondam ab avo nostro
Carolo, & beate memoriæ genitore nostro Pippi-
no Rege, & à nobis postea suscepta est; ut eam
cum Dei adjutorio ab hostibus defendere ni-
tantur, & iustitiam suam, quantum ad ipsos
pertinet, & ratio postularerit, habere faciant.
Hujus divisionis tabulae à Proceribus Fran-
corum jurejurando & à Leone Pontifice
subscriptione firmatae sunt anno DCCCVI.

Nicolaus Alaman.
in Parientinis Late-
rauilibus.

Paulus Diaconus
Milt. Longob.

ut docuit Eginhardus in Annalibus. Vnde primò colligimus eam fuisse sententiam & Caroli, cùm susciperet Imperium, & Pontificis, Senatus, Populique Romani, cùm illud ei detulerunt, ut à pauci pristinæ Protectionis non discederetur, præterea jus istud inter ceteras res hereditarias recenseri, & ab antiquis illis pactionibus à Carolo repeti, huicque legato assensisse Leonem.

VII. Nolo mihi fidem haberi, nisi hoc sensu à Caroli Magni filiis & nepotibus legatum istud exceptum fuerit, ut sibi quisque portionem regni Francorum cum hoc onere vel potius jure reliqtam fuisse censuerit. Ludovicus Pius, Caroli filius, cùm divisionem regni in tres filios ex consilio Procerum instituisset, iustis iisdem planè verbis è testamento Caroli transcriptis, ut tres fratres, quos in consortium regni Francorum asciverat, defensionem Ecclesiae sancti Petri simul susciperent. Hinc est quod Ludovici filij Carolus Calvus Rex Francorum, & Ludovicus Rex Germaniae, conventionibus illis quas in Metensi conventu sententia Hincmarii Archiepiscopi Remensis & aliorum quorundam procerum inierunt anno D C C L X V I I I . sibi quisque defensionem Ecclesiae Romanae servavit; ea lege tamen, ut sibi à Romano Pontifice debitus honor impendatur. Mundeburdem autem & defensionem sancte Romane Ecclesie pariter conservabimus, in hoc ut Romani Pontifices nobis debitum honorem conservent, sicut eorum antecessores nostris antecessoribus conservaverunt. Duo hīc observanda sunt. Vnum est, defensionem istam à Principib⁹ mundeburde vocari, qua voce significatur tute la quæ jure regio Ecclesiæ à sacro Palatio concedi solebat, cuius variae formulae extant apud Marculfum. Alterum est, Principes istos originem hujus defensionis ab antiquis conventionibus repetere, licet eas ipsi non renovaissent, & Imperio non poterent, sed tantum regno Francorum. Quod attinet ad eum honorem quem sibi Reges impendi cupiunt, is est qui Protectori debetur ab eo qui in defensionem suscep-
tus est, quem Canones patrono in Ecclesiæ tribuunt, & processionis aditum vocant. Nempe iisdem solennibus eadēque pompa excipi volunt, qua Carolum prosecuti sunt Romani, antequam Imperio potirentur. Etenim cùm Ticinum Carolus obsidione cingeret, Romam se contulit. Quid tum egerit Hadrianus Papa, malo verbis Anastasi⁹ quam meis referre: Direxit in ejus occursum universos Iudices ad ferè triginta milia ab hac Romana Urbe, ubi eum cum Bandora suscepunt. Subiungit idem Anastasius in vita Hadriani: Obviā illi ejus sanctitas di-

regens venerandas cruces, id est, signa, sicut mos est ad Exarchum seu Patricium suscipiendum, eum cum ingenti honore suscipi fecit.

VII. Temporis progressus nihil de hoc jure protectionis detrivit; immo verò magna accessio illi facta est, frequentibus & validis auxiliis, quibus Reges Francorum, pristinarum conventionum memores, Romanam Ecclesiam juverunt. Ioannes VII. recessit in Gallias, ut suppetias adversus Lambertum Ducem Spolerianum imperaret à Rege Ludovico Balbo Caroli Calvi filio, cujus animum blandissimis literis ante demulcerat; ita ut ab illius consilio pendere velle profiteretur in omnibus negotiis quæ in Synodo Trecensi, quam cogebat, dilucienda occurserent. Sed in ipso Concilio ea oratione erga Regem usus est, ut omnes intelligerent hereditarium esse ius istud Protectionis in regno Francorum: *Vos, carissime filii Ludovice, precor in defensionem, liberatio nem, atque exaltationem sancte Romane Ecclesie, sicut predecessores vestri fecerunt, & vobis sub attestatione facere mandaverunt, sine procraftinatione & ulla dilatatione succurrite.* Pascalis II. ab Italia armis Henrici V. Imperatoris depulsus, in Galliam se contulit, ut Regis auxilio se adversus hostes tueretur. quod auxilium ut impetraret, consuetudinem antiquam in sui patrociniū protulit, teste Sugerio: *Blande demulcent Regem, B. Petra sibi ejus Vicario supplicat opem ferre, Ecclesiam manuteneret, & sicut suorum antecessorum Regum Francorum Caroli Magni & aliorum mos inolevit, tyrannis & Ecclesie hostibus audacter resistere.* In eam sententiam Guibertus, hujus temporis scriptor, Pontificibus in more positum fuisse adnotavit, ut in rebus afflictiis opem à Regibus Francorum implorarent. Gelasius II. sede & Urbe ab eodem Henrico pulsus, (qui Burdinum Archiepiscopum Bracarensem, natione Hispanum, Romane Ecclesie intruferat) ad instanciam, inquit Sugerio, & protectionem Serenissimi Regis Ludovici, & Gallicane Ecclesie compassionem, sicut antiquitus consueverunt, configit. nempe ut clypeo Gallici nominis & Germaniae vires & Hispaniae ambitum infringeret. Quid memorem Innocentium II. qui factione Petri Leonis à sede deturbatus, succedit in Gallias, tutum, Sugerio teste, & approbatum Ecclesie asylum; nuntijsque suis ad Regem Ludovicum desinatis, & persona & Ecclesie opitulari efflagitar. Quid Alexandrum III. qui suam dignitatem, in Gallias cùm se receperet, adversus Fridericum Imperatorem afferuit: quia, ut observavit Arnulfus, quos devotio Gallicana suscepit, vietoriam semper contulit & triumphum. Cùm itaque mos ille Ponti-

*Ioan. ep. 87.
In fore rui cordis
principium intingen-
du calamus, atque
de maxima uirga
formabit chara-
ctera apicis.*

*Adlocutio Ponti-
ficius ad Regem in
Synodo Tricelli-
na.*

*Sugerius in vita
Ludovici Grossi
an. 1107.*

*Guibertus. 2.
Hist. Hieropol. Apofolice fidei
Pontificibus con-
suendinariis
fuit, si quam pessi-
mum à pontifica
genti molstissim,
auxilia semper
expeditissime à
Franci.*

*Sugerius in vita
Ludovici Grossi
anno 1103.*

Sugerius an. 1110.

*Aimoini Contin.
I. 5. c. 54.*

*Arnulfus Leroj,
in ep. ad Arch. &
ep. Anglar.*

ficum auxilia petendi , & Regum Galliarum supprias ferendi , post pristinas illas conventiones perduraverit ; quis non perspiciat in Tertiam stirpem propagatum ius Protectionis , quod in Secunda stirpis exordio initium sumpserat .

VIII. Planè videtur Gregorius IX. eam induisse curam ut foedera ista aliquo pacto renovaret bullatis litteris quas ad S. Ludovicum Regem Gallorum dedit anno M C C X X X I X . ut Fridericu Romanæ Ecclesiæ imminentem repelleret . Etenim cùm regni Gallicani gloriam præ ceteris regnis , & in fide armis propaganda constatiam magnificis verbis prædicasset , eodem que gradu dignitatis præcellere dixisset quo Tribus Iuda reliquias tribus exsuperabat :

Ex quibus , inquit , *evidenti ratione perpendimus quid regnum Francia predictum* , *benedicuum à Domino* , *Redemptor noster quasi speciem* *divinorum voluntatum executorem eligens* , *& ipsum sibi sicut pharetram circa femur accingens* , *ex ipsa sepius sagittas electas extrahit* , *& eas in tuitionem ecclesiastice libertatis & fidei* , *in contritionem impiorum* , *& defensionem justitiae* , *in arcu brachij potenter emittit* . Itidem laudibus Gallos ornaverat antea Paulus I. quas novis beneficiis à Gregorio deinde sunt promeriti . Ex his testimonis pater Pontifices Romanos non in Regis Galliarum unius vel alterius studio peculiari , sed in ipsius regiæ dignitatis nomine præsidium suum collocasse ; ita volentibus divinæ prævidentia fatis , ut regnum Francorum sedis apostolicæ defensioni devotum consecratumque esset . Cui officio cùm Reges cumulantissime satisfacerent , jus istud protectionis , confuetudinis antiquissimæ præscriptione quæsivisse , non sine ratione dici potest . Hunc morem obtestabatur Innocentius IV. cùm à Conventu Patrum Cisterciensis ordinis peteret ut Ludovicum IX. suis precibus exorarent ne à pristina & receprissima Gallia consuetudine discederet ; sed avorum vestigia premendo , Romanum Pontificem ab injuriis Friderici vindicaret . Hoc jus protectionis provocabat Urbanus IV. cùm ad eundem Regem Ludovicum , tanquam ad defensionis sue dexteram , teste Nangio , se contulit , ut à Manfredi Siciliæ Regis impetu se immunem præstaret .

IX. Neque vero huic officio defuere Reges qui illos exceperunt . Non defecit in posteris innata majoribus erga Summos Pontifices singularis propensio ; sed quasi hereditario jure ad omnes successores transmissa , ad nostram usque ætatem integra atque illibata pervenit ; adeo ut tot ferè possit sedes apostolica laudare vindices , quot Reges Gallia . Quare non immorabor in re-

centendis per quos Summorum Pontificum restetere ; cùm satis superque mihi sit hoc unum duntaxat monuisse , Galliam nullum Regem agnoscere , qui Ecclesiæ laboranti solenne patrocinium denegarit , cuique antiquius quidquam fuerit quam Protectoris insigne , longa & justa possessione quæsumum , novorum beneficiorum cumulo sibi confirmare . Quamvis autem inter Summos Pontifices Regesque Gallia quandoque similitates intercesserint , nihil tamen de Protectionis jure eis decessisse certum est . Quos enim private res aliquandiu abalienaverant , in commune totius Ecclesiæ bonum conspirantia studia ita perfectæ sacrosanctæ sedi conciliarunt , ut felici dissidio disjuncti videantur , quos arctiora deinceps amicitia vincula constringerunt . Ceterum præ alius retro Gallia Regibus , Augustissimo Principi nostro potissimum Alerioris Titulum deberi , consumptæ in præsidium sedis apostolicæ regni vires , exhaustum ærarium abunde telantur . Elanguerat in plenisque regni provinciis Christiana fides , Religio prostrata jacebat , vixque Ecclesiæ Romanae inane nomen in ludibrium supererat . Lugubrem Matris sortem misertus Ludovicus , ut afflictæ pias vices exhiberet , in propria viscera arma convertit ; subiectoque sibi populos ultore ferro prosecurus est , ut parenti suis splendor constaret , pristinaque dignitas restitueretur . Non dum apostolica sedis conjurati hostes spiritus deposuerant , quantumcumque amisisti aliquot urbibus debilitati , adversisque præliis immuniti ; artibus scilicet & sociorum auxilii confisi , atque Arce ferocios . Accessit invictissimi Principis virtus ac fortuna Grande Incrementum Eminentissimi Cardinalis Ducis Richelij prudentia , fortitudo , fides : cuius ministerio , cadente Romanæ Ecclesiæ æmula , elusisque factiosorum artibus , atque auxiliarii classibus dissipatis , fracti rebellium animi tandem ceciderunt , & debita sedi apostolicæ auætoritas rediit . Summi hujus viri , rerum divinarum atque humanarum confluitissimi , solerti etiam prudentia debemus , quod Ecclesiæ & Regni jura æquis ponderibus librando , (ut Ecclesiæ Romanae Principem purpuratum , & Ducis corona Regis beneficio insignitum decebat) unicuique sua præstet intacta atque inviolata . Nec aliis eventus expectandus erat sapienissimo Principi , cùm religiosissimum Sacerdotem interioribus consiliis admovearet , B. Remigio florentissimum imperium jam olim Regibus nostris prenuntiante , quādiu Episcoporum operam in administrando regno adluberent .

Elogium Cardinalem Richelij.

Epistola Remij ad Clodorem :
Sacerdotem suum
bonorum deobla
defere , & ad
eum confisa for
mer recurreat .
Quod si nō bene
cum illa concur
rit , præveniatur
modice perficien
tia .

T. 2. Libri. Ec
cles. Gall. cap. I.
N. 4. & in Notis
ad N. 4.

Paulus 1. ep. ad.
Francos. Verè
enim elevatus est
nomen gentis ve
stra super multas
generations na
tiones , & regnum
Francorum ut
lebans emicat in
confessu Domini
quid ralibus beni
giu flou catholice
& apostolica fan
gia . Dei Ecclesiæ
liberatoribus pre
ernatur . Regibus
Infric . Vei quid
dum , carissimi
genti sancta , re
gale faceretis
populus acqui
siens , cui benedi
xit Deus Israël .
Matthæus . Paris
10. 124 .
Secundum anti
quam & confes
sionem Franci
conseruendum &
liberandum . De
suum pontificis
contra infideli
Imperatore defen
dere , & si ne
cessitas expulsi
laret , cum in suo
regno recuperaret,
sicut bupi uenu
meria . Alexandru
Papa exalatavit , &
a facie Imperato
ri Friderici per
sequens fugiuit .